



Synfocity = 979

mail us at : mzsynfo@gmail.com; mizoramsynod@gmail.com - Phone - 2314648

April 3, 2025

❑ MSSU leh Synfo ƙangkawp buatsaih NPSS Mal zai intihsiaik

March 28, 2025 (Zirtawpni) khan MSSU leh Synfo ƙangkawpin an buatsaih, NPSS Mal zai intihsiaik Final chu Tuikual Presbyterian Kohhran Hall-ah neih a ni a, a pumpuih Lalƙhatluangi Fanai, Sacrament Department, Tanhril Kohhran chu pakhatna a ni.

Final-ah hian mi 10 an intihsiaik a, an hla duh ber pakhat sain, hla rem nan hian Music Track emaw Live Music emaw an duh zawk zawk an hmang a ni. Intihsiaik zawhah result puan leh lawmman sem chhunzawm a ni a, lawmman pakhatnain ₹ 70,000/-, pahnihnain ₹ 50,000/- leh pathumnain ₹ 30,000/- an dawng a, Top 10 a tlingten ₹ 5,000/- leh Memento an dawng ƙheuh bawƙ.

Lawmman dawngtute chu:

1. Lalƙhatluangi Fanai, Sacrament Department, Tanhril Kohhran
2. K. Lalfakzuali, Senior Department, Republic Veng
3. K. Lalruatfela, Intermediate Department, Tlungvel Field Veng Kohhran.

Final-ah hian Pi Lalpianthangi Hrahse, Co-ordinator, MSSU-in hunserh a hmang a, Rev. Dr. L.H. Rawsea'n Top 3 lawmman a sem a, Top 10 lawmman te hi Pu Lalniliana, Co-ordinator Synfo, Upa Lalruatsaka, Synfo leh Tv. Kevin Lalhriatpua, MSSU ten an sem a ni. Pu Lalhmunzauva Tlau, MSSU Asst. Coordinator-in lawmthu a sawi a, Ni. J. Lalruatsangi, Paise On 2024 pahnihna leh Tv Samuel Lalmuanchhana, Paise On 2024 pathumna te an zai bawƙ.

❑ Missionary Health Care Worker-te tan Refresher Training

April 1-30, 2025 chung hian Synod Mission Board hnuai Missionary Health Care Worker-te tan Refresher Training, Synod Conference Centre-ah neih mek a ni a, training tur hian Nurse 20 koh an ni a, an kal kim thei a ni.

Training chung hian thupui chi hrang hrang - Emergency & First Aids, Accountancy, Medical Safety, Disaster, Dental, Immunization, Mental Health, Present illness leh rawngbawlna tur atana thil pawimawh hrang hrang an zir ang a. Training hi thla khat awh tura ruahman a ni a, ni 1-8 chungin theory class an kal ang a, ni 9-28 chungin practical class - Synod Hospital, Durtlang leh Civil Hospital, Aizawlah te an nei ang a, ni 29-ah Free Clinic nei turin Khawrihnimah an kal ang.

Synod Mission Board hnuai hian Missionary Nurse 130 chuang awmin Refresher training tur hian a tah tawlin koh ƙhin an ni.

❑ Kohhran Ni pawimawh 'Harhna thlen ni'

April 4 (Zirtawpni) hi Mizorama 'Harhna thlen ni' champha a ni a, kumin hi Harhna thlen kum 119-na a ni. Mizoram Presbyterian Kohhran chuan inkhawm ƙum khat atan programme siamin Thupui inang tlang "Min tiharh leh dawn lo'm ni" Sam 85:1-13 tlawh chhanin zir ho a ni ang.

Mizorama Harhna lo thlen hmasak hun hi Synod chuan uluk taka a zirchian hnuah, kum 1982-a Synod Inkhawmpui chuan April 4, 1906 hi Zorama Harhna lo thlen hmasak ni atan a pawm a, a hman dan tur pawh SEC kutah a dah a. Kum 1984 aƙangin kum tin April 4 hi Harhna Thlen Ni tiin Kohhran ni pawimawha chhiar a ni ta a ni. Kum 2006 khan Harhna thlen kum 100-na pawh Kohhran hoten ropui takin kan lo lawm tawh bawƙ a ni.

'Harhna thlen ni' hi Kohhran ni pawimawh a nih avangin Synod Office leh Synod hnuai Department hrang hrang te pawh khar a ni ang.

❑ KƘP

♦ March 29, 2025 (Inrinni) khan Rawpuichhip Bial, KƘP Leadership Training hmanpuiin committee member-te, Ni. F. Lallianzuali leh Pu H. Zosangliana te an kal.

♦ March 28, 2025 (Zirtawpni) khan Ruantlang Bial, Ruihhlo Do Awareness Campaign hmanpuiin Pu C. Lalkhawngaiha, Asst. Secretary leh Pu David Lalruatfela, committee member-te an kal.

♦ March 28-30, 2025 chung khan Kristian Ƙhalai Pawl, Thentlang Branch Golden Jubilee lawmna hmanpuiin Pu Lalruatfela, Asst. Leader leh T. Upa Lalremsiama Khiangte, committee member-te an kal.

☐ **Mizoram Christian College (MCC)**

◆ State Level Viksit Bharat Youth Parliament Public Speaking Competition neih zawh takah MCC atanga tel Angela Vanlalduhsaki, 6th Semester, Department of English chu pakhatna a ni a. April 2, 2025-a National Level intihsiakna Delhi-a neihah Angela Vanlalduhsaki hi Mizoram State aiawhin a inlan leh a ni.

◆ March 27, 2025 khan 'World Theatre Day' pualin MCC English leh Mizo Department-te chuan College-ah hun an hmang a. He hunah hian Mizote zinga lemchan lam leh fiamthu lama sultutu hmasa Pu Salemthara Pachuau; 'Mizo Charlie Chaplin' tia hriat thin chuan hun a hmang a, a tawnhriat atanga zirlaite fuihna thu tha tak tak a sawi bakah Pathian thuchah tha tak a sawi bawk.

◆ Planning & Programme Implementation Department, Govt. of Mizoram-in a buatsaih CM Bana Kaih Innovation Challenge chu March 26, 2025 (Nilaini) khan Vanapa Hall-ah intihsiakna neih a ni a; March 28, 2025 (Zirtawpni) khan result puan a ni.

CM Bana Kaih Innovation Challenge-ah hian Component pali a awm a, chung zinga pakhat Higher Educational Institutes Local Immersion Challenge-ah hian Mizoram Sawrkar, Central leh Private hnuiaia College hrang hrang 26 intihsiak zingah Mizoram Christian College chu Pahnihna a ni.

MCC chuan Local Immersion neih nan hian Hortoki khua a chang a, Hortoki khua hi Hatkora ching nasa an ni a, Hatkora an thar chhuahte chu hlawk zawk leh awmze nei zawka an hralh theihna turin Project hi siamsak an ni a, Project hming chu 'Rebranding Hatkora in Hortoki Village' tih a ni.

☐ **MSSU**

April 5, 2025 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Nisapui Bial : Upa K. Vanlalngbaka leh Upa B. Hmingthanruala

Kanhmun Bial : Upa K. Zoremsanga leh Upa R. Vanlalhruaia

Ramhlun Venglai Kohhran : Upa Hrilthansanga, Upa Lalrinawma Ralte leh Upa John Lalnunthara

☐ **Social Front**

April 6, 2025 (Pathianni) hian Chanmari West Hmarveng Kohhranah Ruihhlo laka invenna leh HIV/AIDS Awareness Campaign nei turin Nl. C. Lalchhuanzuali, campaigner a kal ang.

☐ **Synod Mission Board**

◆ **Nepal Mission Field**

March 29, 2025 (Inrinni) khan belhtu thar pakua an awm.

◆ **Jharkhand Mission Field**

March 30, 2025 (Pathianni) khan belhtu thar panga an awm a, kohhran pawl dang atangin mi 12 kan kohhranah an rawn inpe bawk.

◆ **Assam Mission Field**

March 30, 2025 (Pathianni) khan belhtu thar pakhat a awm.

◆ **Calcutta Mission Field**

March 30, 2025 (Pathianni) khan belhtu thar pali an awm.

◆ **Delhi Mission Field**

March 30, 2025 (Pathianni) khan belhtu thar pasarih an awm.

◆ **Arunachal & Assam Mission Field (East)**

March 30, 2025 (Pathianni) khan belhtu thar pathum an awm a, kohhran pawl dang atangin mi pathum kan kohhranah an rawn inpe bawk.

◆ **Arunachal & Assam Mission Field (West)**

March 30, 2025 (Pathianni) khan belhtu thar pali an awm.

◆ **Patna Mission Field**

March 30, 2025 (Pathianni) khan belhtu thar panga an awm.

◆ **Odisha Mission Field**

March 30, 2025 (Pathianni) khan belhtu thar pathum an awm.

☐ **FM Zoawi - Aizawl & Lunglei : Hruaina Eng Radio Programme**

April 4, 2025 (Zirtawpni) @ 7:30 p.m. :

Solo : Lalmuankimi - Ka ngen a che, **Zaipawl :** Hnahlan Bial Zaipawl - Ka zai chhan, **Thusawi :** Rev. Joseph Lalnunmawia - Lalpa zawn chhua ram, **Solo :** Debbie Lalnunhlui - Isu nunnem lo tawng ang che, **Zaipawl :** Leitan Bial Zaipawl - Mupui ang Kohhran

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Airfield Veng	Damlo leh khawsak harsa	6	₹ 60,000/-
2.	Tualte	Damlo	2	₹ 20,000/-
3.	Thinglian	Damlo	2	₹ 20,000/-
4.	Sairang Dinthar	Damlo	2	₹ 20,000/-
5.	Pehlawn	Damlo	2	₹ 20,000/-
6.	E. Phaileng	Damlo	1	₹ 10,000/-
7.	Kawlkulh	Damlo	1	₹ 10,000/-
8.	Buhban	Damlo	1	₹ 10,000/-
			Belh khawm	₹ 1,70,000/-

❑ **Hruaina Eng TV Programme**

03.3.2025 (Ningani)	08:30 pm	: Thupui zir bing
04.3.2025 (Zirtawpni)	05:00 pm	: Kristian Naupang Pual
05.3.2025 (Inrinni)	05:30 pm	: Puitling Sunday School Zirlai
06.3.2025 (Pathianni)	08:00 am	: Weekly round up
07.3.2025 (Thawhtanni)	08:30 pm	: Hruaina Eng luang chhuak - Upa F. Lalremthanga
08.4.2025 (Thawhlelni)	06:00 pm	: Nilai zan thupui
	08:30 pm	: Kohhran Chanchin - Tuikual Kohhran

❑ **Moderator leh Executive Secretary-te Programme:**

Rev. R.C. Lalnghakliana : Moderator

April 3, 2025	Dibrugarh - Upper Assam Mission Field hawn
April 5-6, 2025	Guwahati Mizo Kohhran tlawh
April 8, 2025	Synod Service Board

Rev. V.L. Luaia Hranleh : Senior Executive Secretary

April 4, 2025	Upper Republic Kohhran Hmeichhe Retreat
April 8, 2025	Synod Lay Pensioner Fellowship, Annual General Meeting leh Synod Service Board
April 9-12, 2025	PCI Working Committee, Shillong

Rev. Dr. K. Lallawmzuala : Executive Secretary

April 5, 2025	North Lungleng Kohhran, Retreat
April 8, 2025	Synod Service Board

Rev. Dr. Rosiamliana Tohhawng : Executive Secretary

April 5-6, 2025	Khawthlang Presbytery KTP Meet, Bawrai
April 8, 2025	Synod Service Board leh Missionary Orientation training
April 9, 2025	MCC Governing Board
April 9-14, 2025	Daporizo, Arunachal North

SYNOD REVIVAL HRIATTIRNA

April 8-12, 2025 chhung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Vanlalchhuanawma Chhangte, Kraws Hnehna Maicham Team a ni ang. Camping Fee mi pakhat tan ₹ 100/- a ni a, mutbu bakah Bible, Hla bu, Pen, Note bu ken tur a ni. Ruih theih thil ken luh phal a ni lo a. Mobile Phone pawh ken luh phal a ni lo. Thawhlelniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.